


GUGGAMUSIG BLEANDASTÖBER



Dajohr kli ringer, Corona sei Dank.

Aber jetzt wär eigentlich Ziit für d'Schnitzelbank.

Schnappid öi a Bier, an Schnaps oder an'Wii,

Wenners künd gnüssa ischs schnäller verbi.

Si isch gstanda, hocherhoba, majestätisch und stolz,

d'Birka-Allee zwüschet Oberriet und Altstätta, a bsundrigs Holz.

Nöd stohloh und nöd umtoh, nu rasiert.

Si hofft nuno trurig, dass si so kaschtriert niemert gsiet.



Vo da Umgangsform bi üüs im Rhiintal no nia öppis ghört,

Da Roland Rino Büchel alli Klimaaktivista verstört.

Z'Bern am Bundesplatz honds em da Wäg verbaut.


Im Kampf dor die viela Schnudergoofa es am da Nuggi usihaut.

D'Kilbi z'Oberriet isch scho viele Jahr an Hit.

O s'Sarasani vor Jungwacht hilft do dafür mit.

Das Jahr wär s'40igscht Jubiläum, oder aber o nöd.

Dass ena sis Zelt letscht Jahr nöd gstellt hond, isch hald kli blöd.



Dass neamert isch trurig, ma alles tuat umbenenna.

Zigüünerschnitzel im Lada ma oh nümma tuat kenna.

Mohrakopf hoasst etzt Schokokuss,

us da CVP werd "die Mitte" drus.

I d'Feri kammer nöd wie normal, es loht da Lüüt ko Ruah,

o d'Bara und Discos send gschlossa, alles häd zua.

In Alpstoia ufi zum Wandera es ganzi Städt verschleht,

sü nöd merkid, dass ma sich nöd wie in Usgang aleht.

